

tìbh a *bha* m'an cuairt orra, agus cha d'rinn iad tòireachd air mic Iacoib.

6 Mar sin thàinig Iacob gu Luds a *ta* 'n tìr Chanaain, eadhon Betel, e féin agus an sluagh nìle a *bha* maille ris.

7 Agus thog e 'n sin altair, agus thug e El-betel mar ainm air an àite: do bhrìgh ann an sin gu'n d'fhoillsich Dia e féin dha, 'nuair a theich e o ghnùis a bhràthar.

8 Ach fhuair Deborah banal-trum^a Rebecah bàs, agus dh'adhlaiseadh i fuidh Bhetel, fuidh dharaig: agus thugadh Alonbacut mar ainm air.

9 Agus dh'fhoillsich Dia e féin do Iacob a ris, 'nuair a thàinig e a Padan-aram; agus bheannaich se e.

10 Agus thubhairt Dia ris, 'Se Iacob a's ainm dhuit: Cha'n ainmichear thu Iacob ni's mò, ach 'se Israel a bhios 'na ainm ort; agus thug e Israel mar ainm air.

11 Agus thubhairt Dia ris, 'Smìse Dia uile-chumhachdach, bi sìolmhar agus fàs lìonmhor; thig cinneach agus coì'-thional chinneach uait, agus thig rìghre mach a d'leasfruidh.

12 Agus am fearann a thug mi dh'Abraham, agus a dh'Isaac, dhuitfe bheir mi e; agus do d' fhìlochd a'd' dhéigh bheir mi am fearann.

13 Agus chaidh Dia suas uaith 'fan àit' an do labhair e ris.

14 Agus chuir Iacob suas carragh^b 'fan àit' an do labhair e ris, carragh cloiche, agus dhòirt e tabhartas-dìbhe air, agus dhòirt e oladh air.

15 Agus thug Iacob Betel mar ainm air an àite far an do labhair Dia ris.

16 Agus dh'imich iad o Bhetel, agus cha robh ach astar beag aca re teachd gu h-Ephrat: agus thàinig tinneas cloinne air Rachel, agus bha faothair chruidh oirre.

17 Agus 'nuair a bha i 'n cruaidh shaothair, 'an sin thubhairt a' bhean-ghlùine ria, Na biodh eagal ort, oir *bithidh* am mac fo agad cuideachd.

18 Agus 'nuair a bha h-anam a' dealachadh ria, oir fhuair i bàs, thug i Ben-oni mar ainm air: ach dh'ainmich athair e Benjamin.

19 Agus fhuair Rachel bàs, agus dh'adhlaiseadh i 'fan t-slighe gu h-Ephrat, eadhon Betlehem.

20 Agus chuir Iacob suas carragh air a h-uaigh: 'se fo carragh uaigh Racheil gus an là'n dìngh.

21 Agus ghabh Israel a thurus, agus shuidhich e a bhùth an taobh thall do thùr Edeir.

22 Agus 'nuair a bha Israel a chòmhnuidh 'fan tìr sin, chaidh Reuben, agus luidh e le Bilhah leannan^c athar: agus chual' Israel *sin*. A nis bha da mhac deug aig Iacob.

23 Mic Lea; Reuben ceudghin Iacoib, agus Simeon, agus Lebhi, agus Iudah, agus Issachar, agus Sebulun.

24 Mic Racheil; Ioseph, agus Benjamin.

25 Agus mic Bhilhah, bhanoglaich Racheil; Dan, agus Naphtali.

26 Agus mic Shilpah, bhanoglaich Leah; Gad agus Aser.